



Broj: 01/6-50-1-32-10/05
Sarajevo, 31.01.2005.

Z A P I S N I K
sa 10. sjednice Komisije za saobraćaj i komunikacije

Sjednica je održana 31.01.2005. godine sa početkom u 13,00 sati.

Sjednici su prisustvovali svi članovi Komisije:

- | | |
|-------------------------|---------------------|
| 1. Miloš Jovanović, | 6. Adem Huskić, |
| 2. Muhamed Moranjković, | 6. Nenad Mišić, |
| 3. Ivo Lozančić, | 7. Ruža Sopta i |
| 4. Izet Hadžić, | 8. Milorad Živković |
| 5. Selim Bešlić, | |

Sjednici je prisustvovao sekretar Komisije Milan Zjajić i student stažista Jasmina Sazdovski.
Predsjedavajući Miloš Jovanović je predložio sljedeći:

D N E V N I R E D

1. Razmatranje Izvještaja o radu Državne regulatorne komisije za električnu energiju u 2004. godini,
2. Ostala pitanja.

Dnevni red je jednoglasno prihvaćen.

Ad. 1. Razmatranje Izvještaja o radu Državne regulatorne komisije za električnu energiju u 2004. godini,

Komisija za saobraćaj i komunikacije je kao nadležna komisija, bez posebne rasprave:

1. Konstatirala da je Izvještaj podnešen na osnovu člana 4.10 Zakona o prenosu, regulatoru i operateru električne energije u Bosni i Hercegovini i u roku utvrđenom zakonom,
2. Konstatirala da su u izvještaju navedeni značajni rezultati ostvareni u izvještajnom periodu, a prije svih
 - činjenica da je Bosna i Hercegovina bila sudionik u energetske događaju godine od 10. oktobra 2004. kada je kontinentalna Evropa postala sinhrono elektroenergetsko područje sa 450 miliona ljudi u 22. države i činjenica da je Bosna i Hercegovina aktivna u kreiranju energetske zajednice jugoistočne Evrope;
 - da su postignuti solidni rezultati u zapošljavanju i intenzivnoj obuci zaposlenih zajedno sa osobljem entitetskih regulatora, te da je nabavljen značajan dio tehničke opreme neophodne za efikasan rad DERK-a;
 - da je DERK donijela više pravnih akata i da su donošenju nekih prethodile javne rasprave obavljene u Mostaru, Tuzli, Banja Luci i Sarajevu i da su vođene značajne aktivnosti vezane za izdavanje licenci i cjelokupnu transformaciju prenosnog sistema i
 - da je u skladu sa zakonom izvršena finansijska revizija za 2003. godinu, a izvještajem nezavisnog revizora potvrđeno je da nema pogrešnog iznošenja činjenica i pogrešnog prikazivanja finansijskog položaja DERK-a.

3. Cijeneći navedeno Komisija predlaže Predstavničkom domu da usvoji Izvještaj o radu Državne regulatorne komisije za električnu energiju u 2004. godini u ponuđenom tekstu.

Od ovakvog mišljenja različite stavove su iznijeli Milorad Živković i Ruža Sopta.

Milorad Živković je istakao da je ranije postavio poslaničko pitanje o sredstvima koja DERK dobija od elektroprivrede Hrvatske za transport električne energije preko BiH mreže (oko 100.000 KM), a u izvješataju o tome nema ni riječi.

Ruža Sopta je, pak prigovorila na različite podatke o broju zaposlenih, pa nije jasno da li ih je 20 ili 21. Takođe je zamjerila što nema podataka o izvješajima Državne revizije ili što nije priložen izvještaj nezavisne revizorske kuće, nego je komentaran.

Ad. 3. Ostala pitanja

Kako nije bilo prijedloga za ovu tačku dnevnog reda predsjedavajući je u 14. sati zaključio sjednicu.

***Napomena:** Sjednica nije snimana.*

SEKRETAR KOMISIJE
Milan Zjajić

PREDSJEDAVAJUĆI KOMISIJE
Miloš Jovanović